



新蔡縣志卷九

新蔡縣知縣莫璽章輯

藝文志

志曰作爲文章其書滿家無當於治君子不取也藝
文志始於扶風唐四庫書目葉適尤袤焦竑胡元瑞
博已然文以載道言貴不浮於實新蔡所傳有訓詁
之文有紀善之文有紀事之文或爲蔡人而發或出
蔡人之口或假名筆以記經制以彰宦蹟以詠景物
均之因文載事文弗磨事有證也作藝文志

漢文

史記管蔡世家

新蔡縣志卷九 藝文

管叔鮮蔡叔度者周文王子而武王弟也武王同母兄弟十人母曰太姒文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次曰冉季載冉季載最少同母兄弟十人唯發旦賢左右輔文王故文王舍伯邑考而以發爲太子及文王崩而發立是爲武王伯邑考旣已前卒矣武王已克殷紂平天下封功臣昆弟於是封叔鮮于管封叔度于蔡二人和紂子武庚祿父治殷遺民封叔旦於魯而相周爲周公封叔振鐸於曹封叔武于成封

王少周公旦專王室管叔蔡叔疑周公之爲不利于

成王乃挾武庚以作亂周公旦承成王命伐誅武庚

殺管叔而放蔡叔遷之與車十乘徒七十人從而分

殷餘民爲二其一封微子啟於宋以續殷祀其一封

康叔爲衛君是爲衛康叔

分殷爲二離其黨弱其力也一爲宋一爲衛仍是監

殷故智而其迹不露歷變而心計彌精孰謂聖人無術哉

封季載於冉冉季康叔

皆有馴行於是周公舉康叔爲周司寇冉季爲周司

空以佐成王治皆有令名于天下蔡叔度旣遷而死

其子曰胡胡乃改行率德馴善周公聞之而舉胡以

爲魯卿士魯國治於是周公言於成王復封胡於蔡

以奉蔡叔之祀是爲蔡仲餘五叔皆就國無爲天子

吏者蔡仲卒子蔡伯荒立蔡伯荒卒子宮侯立宮侯
卒子厲侯立厲侯卒子武侯立武侯之時周厲王失
國奔範共和行政諸侯多叛周武侯卒子夷侯立夷
侯十一年周宣王卽位二十八年夷侯卒子釐侯所
事立釐侯三十九年周幽王爲犬戎所殺周室卑而
東徙秦始得列爲諸侯四十八年釐侯卒子共侯興
立共侯二年卒子戴侯立戴侯十年卒子宣侯指父
立宣侯二十八年魯隱公初立三十五年宣侯卒子
桓侯封人立桓侯三年魯弑其君隱公二十年桓侯
卒弟哀侯獻舞立哀侯十一年初哀侯娶陳息侯亦
娶陳息夫人將歸過蔡蔡侯不敬息侯怒請楚文

來伐我我求救于蔡蔡必來楚因擊之可以有功楚
六王從之虜蔡哀侯以歸哀侯留九年死子楚立
二十年卒蔡人立其子勝是爲繆侯繆侯以其女
爲齊桓公夫人十八年齊桓公與蔡女戲船中夫人
蕩舟桓公止之不止公怒歸蔡女而不絕也蔡侯怒
嫁其弟齊桓公怒伐蔡蔡潰遂虜繆侯南至楚召陵
已而諸侯爲蔡謝齊侯歸蔡侯二十九年繆侯卒
子莊侯甲午立莊侯三年齊桓公卒十四年晉文公
敗楚于城濮二十年楚太子商臣弑其父成王代立
二十五年秦繆公卒三十三年楚莊王卽位三十四
年莊侯卒子文侯申立文侯十四年楚莊王伐陳殺

夏徵舒十五年楚圍鄭鄭降楚楚復釋之二十年文侯卒子景侯同立景侯元年楚莊王卒二十九年景侯爲太子般娶婦于楚而景侯通焉太子弑景侯而自立是爲靈侯靈侯二年楚公子圍弑其王郊敖而自立爲靈王九年陳司徒招弑其君哀公楚使公子棄疾滅陳而有之十二年楚靈王以靈侯弑其父誘蔡靈侯于申伏甲飲之醉而殺之刑其士卒七十人令公子弃疾圍蔡十一月滅蔡使棄疾爲蔡公楚滅蔡三歲楚公子棄疾弑其君靈王代立爲平王平王乃求蔡景侯少子廬立之是爲平侯是年楚陳楚平王初立欲親諸侯故復立陳蔡後平

平靈侯般之孫東國攻平侯子而自立是爲悼侯悼侯父曰隱太子友者靈侯之太子平侯立而殺隱太子故平侯卒而隱太子之子東國攻平侯子而代立是爲悼侯悼侯三年卒弟昭侯申立昭侯三年朝楚昭王持美裘二獻其一於昭王而白衣其一楚相子常欲之不與子常讒蔡侯留之楚三年蔡侯知之乃獻其裘于子常子常受之乃言歸蔡侯蔡侯歸而之晉請與晉伐楚十三年春與衛靈公會召陵蔡侯私于周襄弘以求長于衛衛使史鰌言康叔之功德乃長衛夏爲晉滅沈楚怒攻蔡蔡昭侯使其子爲質于吳以共伐楚冬與吳王闔閭遂破楚入郢蔡怨子常

子常恐奔鄭十四年吳去而楚昭王復國十六年楚令尹爲其民泣以謀蔡蔡昭侯懼二十六年孔子如蔡楚昭王伐蔡蔡恐告急于吳吳爲蔡遠約遷以自近易以相救昭侯私許不與大夫計吳人來救蔡因遷蔡于州來二十八年昭侯將朝于吳大夫恐其復遷乃令賊利殺昭侯已而誅賊利以解過而立昭侯子朔是爲成侯成侯四年宋滅曹十年齊田常弑其君簡公十三年楚滅陳十九年成侯卒子聲侯產立聲侯十五年卒子元侯立元侯六年卒子侯齊立侯齊四年楚惠王滅蔡蔡侯齊亡蔡遂絕祀後陳滅三

十三年伯邑考其後不知所討武王遂其後爲

本紀言管叔鮮作亂誅死無後周公旦其後爲魯
世家言蔡叔度爲蔡有世家言曹叔振鐸其後爲曹
有世家言成叔武其後世無所見霍叔處其後晉獻
公滅霍康叔封其後爲衛有世家言冉季載其後世
無所見

序蔡世紀

李琪

大抵蔡邇於楚而親於楚事楚愈堅而蒙楚之害愈
深蔡遠于中國而疎于中國其貳中國最甚而中國
亦無力以及蔡凡中國之糾合會盟諸侯狎至而蔡
獨不附自敗幸以來哀侯蒙塵不返乃甘於向楚釋
戴天之至怨齊桓稱伯蔡僅一從北杏之盟穆莊以

豈知君戮國夷冢嗣俱屠晉定公大令八國于厥愆
將以救蔡不能振旅反使狐父卑辭請蔡于楚楚虔
方張晉既不能弭蔡之難楚虔既隕晉又不能復蔡
之祀終焉蔡廬以弃疾之命復國則蔡之存亡廢興
皆托命于楚中國安得有之乎蔡朱東園之廢置專
于費無極之一言夫廢君立君國之大事而楚之小
臣得以制之蔡昭抱累世之憾復以一裘一佩之微
遭三年拘郢之辱沈璧以絕楚質愛子以請晉志
而氣激使中國有伯而加惠于蔡伸義于楚則
無奸夏之風中國無從蠻之變矣召陵之役晉人
貲而辭蔡諸侯侵楚之師不出而楚人圍蔡之師又

至柏舉之戰入郢之師遂使蔡人假手于吳以釋憾
楚禍雖深蔡憂未已是以哀元年楚復圍蔡使蔡人
男女以辨疆于汴汝之間蔡之傾覆是懼謀徙州來
哭墓而遷君臣相殘以及公孫翩之禍迄春秋以後
蔡終爲楚所并蓋蔡之依楚猶鹿豕依于餒虎之側
將以求安其不噬嚙焉不止也夫以中國諸侯雖有
卽楚者犧牲待于二境未有如蔡之附楚不變也然
蔡之五禍皆楚實爲之楚文之執獻舞蔡國十年無
君一也楚靈之殺蔡般蔡嗣常絕二也費無極逐蔡
侯朱三也楚子常執蔡昭子郢四也楚昭遷蔡于江
汝五也故蔡事楚愈堅而蒙禍愈深也

重修儒學記

張瑄光州學正

天以二氣五行生庶物形既成矣而理具焉是之謂性曰健順仁義禮智信見諸行事是之謂道曰父子之親君臣之義夫婦之別長幼之序朋友之信堯以是傳之舜舜以是傳之禹禹以是傳之湯湯以是傳之文武周公文武周公傳之孔子其達而爲政由心而身由身而家推之於治國平天下者此道也其窮而立教由格物以致其知由誠意以正其心修其身者亦此道也斯道也其體則一其用則貫其大無外其小無內亦無彼此古今之間惟盡其心者能盡其性盡其性者乃盡其道也堯舜禹湯文武周公

道而得行兼善天下者也若聖夫乎其道雖不揚
行于當時而尤著于天下後世者也是以立萬古之
人極爲百王之典則小以成小大以成大爲飛魚躍
何適而非天理之流行如水在地中無所不通如日
月有明容光必照仰鑽瞻忽惟顏氏得其宗顏氏沒
而曾子子思孟子傳其道自權謀術數之說行而孟
氏之學失其傳儀秦楊墨之徒熾而孔子之道不盡
著秦漢以降流而爲訓詁變而爲辭章聖人之教幾
乎熄矣然天理之在人心吾道之在彝倫隨感隨應
有不能自己焉者善教之人人深也如此宜乎歷代
聖王享祀夫子報功報德之無已也聖王混一區宇

敕寧九有誕敷文德崇奉廟學各府州縣在在咸興
期于美教化善民俗新蔡古邑也廢革日久大德八
年朝廷以民物繁夥復立廟學前官賀鎮起立正殿
聖像仍闕十一年安陽李演仲遠來知縣事下車未
久綱目畢張政清事簡乃詢縣尉劉永賢文可典史
常澤潤甫以修復廟學爲已任二君協贊捐俸鳩工
而經營民翕然而樂助之運甓于陶伐木于林楚石
于山不勞而辦不擾而成其正殿崇嚴兩廡深邃神
門聳峙于前講堂儼立于右噲噲其正殖殖其庭約
而計之凡十九間塗之以丹堊繚之以堅墉經始于
至大元年十月收歲三月卒功旣又粧塑宣聖十哲

七十二賢像香案斯完規模畧備春秋朔望有釋奠
講肄之所髦士有歸後造有學俾凡民之子弟而
孝弟忠信之規若李君者可謂知爲政要矣廟學自
完文可狀事本末走書請記余嘉其操心誠而用力
勤樂爲叙次仍附以聖人垂訓之大旨俾邑之學者
有所考而知反身立行之本庶不負大夫鼓舞作興
之意云

則建鐘鼓樓記

李

黼

江州監
總管

予嘗兩將命代祀嶽凡郡邑于江之南者履歷殆遍
觀其城郭道途亭傳公廨雄嚴固密無不因仍于舊
何肯贊獨能用心乃爾哉今州縣徧天下屈指立功

立事之人如晨星寥寥然是可慨也已雖金穀出納
不敢專然果能主之以公而使民以逸悅未有不
功者也吾顏守房侯士友既盡瘁封內之屬而屢稱
新蔡非劉君之日子于彼知之有素又嘗以公委至
蔡以省徽南諭淮而譽其政者盈耳蓋下車不再月
得情惡不懷肆爲強竊者六十人服辜死狴干中
邑強暴覩其發姦之神疾惡之厲皆昭愕相視
革心而不出良善之民始遂其生君日以安養爲事
作務本圖植桑以厚農新廟學廣生徒以興化
田招逋亡增修公廨儀仗裊帷器皿罔不一新
稟餼之需罔不豐饒訟息民安百廢具舉

請張之謫十餘端悉能原始究終洞燭其姦而聳服其心餘力所及旁達鄰境可謂有用之良材克舉所職矣言未既穎之耆儒狀劉君政績及新建鐘鼓樓顛末來求記且道其言曰不佞備員尹茲邑邑中切民生關風教建置之宜先者甚多已嘗效其一二欲盡舉之力景不追也邑之到城郭長補短爲方百餘里而所以定朝昏齊政令之器之所缺然不備昔人用是考政治之得失今獨乃爾豈不曠曠于承宣哉于是捐俸且發所規平錢爲信簿尉而下咸輸金佐費卽縣之陽擇勝地築基礎爲樓四楹三簷四阿上下計間三十又六高凡三十尺用甃若甃二萬七千他